

雲南通志

第十三册

十八卷

地 350
32

113



雲南通志卷之第十八

祠祀

祠祀之設報功德耳

國家釐定典禮自社稷山川而外凡死勤事勞定國者咸崇報焉非是則不在祀典矣滇俗尚鬼神稱雞馬已屬荒唐像設牛蛇尤為怪誕此亦何與祀事耶今欲考定禮宗惟是載在典禮者罔敢或廢其有俗尚相沿而不悖義者稍刊正而附錄之庶其與淫祀遠矣乎若夫

雲南通志

卷之十八

祠祀

聖廟釋菜禮明有師非羣祀所得比者學校既首志之矣茲不具載作祠祀志

雲南府

祀典

社稷壇

在府城西明洪武元年令天下郡縣置社稷壇祭以少牢春秋二仲上戊日祭各郡

縣同

本朝因之

風雲雷雨山川壇

在府城東明洪武元年令天下郡縣置山川壇六年定風雲雷

雨及境內山川城隍三主共為一壇

春秋二仲上巳日祭各郡縣同

本朝因之



郡厲壇 在府城北明洪武二年令郡縣立厲壇每歲清明日孟秋望日孟冬朔日祭無祀鬼神各郡縣皆同在府州曰郡厲在縣曰邑厲本朝因之

城隍廟 在府治西南明洪武二年令有司祭城隍仍前代禮府封威靈公州封靈佑侯縣封顯佑伯三年改今稱廟三楹中祀雲南省都城隍之神左祀雲南府城隍之神右祀昆明縣城隍之神

旗纛廟 舊在府治南康熙三十年總督范承勳巡撫王繼文新建於總督箭道後每歲春用驚蟄日秋用霜降日以督標中營副將王祭撫標及城守各營將官陪祭

關帝廟 在府城南每春秋丁祭後擇吉以雲南府知府王祭同知通判陪祭其外府州縣者即以本地方官致祭

雲南通志

卷之十八

祠祀

二

文昌宮 在府城西門外有司以時致祭

武侯祠 在府城五華山有司以時致祭

報功祠 原建咸陽王廟祀元賽典赤黔寧王廟祀明沐英二廟俱在府治南春秋致祭

本朝康熙三十年總督范承勳巡撫王繼文布政使于三賢按察使許弘勳糧儲道張仲信永昌道畢忠吉驛鹽道謝緒光督學道孫起綸捐貲改遷於府東重闢內合二王之廟為一易名各

二忠祠 舊在地藏寺前石虎岡路側祀明翰林學士王禕刑部尚書吳雲春秋致祭後燬因有祀田在呈貢縣梅子村守祠僧今就田立廟

傅公祠 在府治南祀明初征南大將軍穎國公傅友德春秋二祭

崇德祠 在書院後明建祀布政使張紘巡撫御史樊瑩巡撫都御史王恕顯應祥今俱廢

三賢祠

在府城東金馬寺左巡撫陳用賓建祀漢諫議大夫王褒明僉事劉寅修撰楊慎

大史祠

在府城東高曉村祀明楊燕介公慎萬曆中布政劉之龍建按察使燕祖誥黃似華

里修久廢康熙二十八年總督范承勳重建春秋致祭

董公祠

在府治東祀知府董復

郭公廟

在府治東廣備倉祀知府郭鎮俗呼倉神

孝子祠

在府治南今廢

節婦祠

在城隍廟右

羣祀

東嶽廟

在府城東

雲南通志

卷之十八

祀

三

南嶽廟

在府城東南

中嶽廟

在雲津橋南

西嶽廟

在府城西

北嶽廟

在小澤口

晏公廟

在府南二十里臨於滇池上

五靈廟

在府城南門內祀唐葛周三真君及崇寧至道真君清源妙道真君合稱五靈按崇

寧真君即關壯繆清源真君即隋嘉州大守趙昱其唐葛周三真君相傳為周厲王時三諫官

棄官遊吳仙去者又有蜀漢鎮東將軍趙雲亦附祀於廟別稱為碧山土主

五顯廟

在府城東門外

三聖廟

在府治南

大靈廟

在城隍廟東卽土主廟神爲摩訶迦羅蒙氏城滇時建廟其像乃蜀匠羅都道太所

造有天竺僧菩提巴坡以秘咒丹書納像中復以手中菩提念珠一枚種之庭前成樹焉其神屢著靈異滇人奉爲土神村邑處處奉之獨在官渡者靈異與府廟同

金馬山神廟

在府城東金馬山麓

碧雞山神廟

在府城西碧雞山麓

火神廟

有二一在南教場一在北教場

白馬廟

在擺渡村相傳祀蜀漢靖侯龐統

祠山廟

在雲津橋北岸漢張公勅曾鑿江以通水利郡人德之爲立祠

雲南通志

卷之十八

祀

四

白龍廟

在府治南菜海子

龍王廟

在城西南羅漢山下

忠烈廟

在晉寧州古土城內祀晉寧州刺史李毅之女秀唐開元中賜廟額

姚岳廟

在晉寧州西十五里

清濁福邦鹽泉神祠

在安寧州善政坊

曲靖府

祀典

社稷壇

在府治西

風雲雷雨山川壇

在府治東

郡厲壇 在府治西北

城隍廟 在府城中 州縣皆設

旗纛廟 在府城中

武侯祠 在府治北

武安王廟 在府城北

文昌祠 在府城東門內

五雷廟 在勝峯山 驚蟄日祭

龍王廟 在府城西南五里 霑益州亦有

李元禮碑祠 在府城南三里 詳古蹟萬曆間知縣李藻禱雨有應 今於二仲戊日特羊

雲南通志

卷之十八

祀

五

致祭祠 廢碑存

白蜡山神祠 在羅平州後有龍塘 歲三月上辰日祭

烈婦祠 在城西 祀郡人陳蕃妻 任氏祠 廢碑存 詳烈女

羣祀

玄壇廟 在府城北

英烈侯廟 在馬龍州西七十里 關索嶺祀漢壽亭侯子 康熙二十三年總督蔡毓榮巡撫

王繼文 捐修

土王廟 在舊府治

歸安府

祀典

社稷壇 在府城北

風雲雷雨山川壇 在府城南

郡厲壇 在府北城外

城隍廟 在府治東州縣皆同

旗纛廟 在舊臨安衛公廨後

八蜡廟 在府城北

武侯祠 在儒學北

關王廟 在府治西

雲南通志

文昌宮 在府治西

表忠祠 祀交趾前後死事尚書劉儁陳洽參政劉昱都司呂毅參政馮貴侯保都督黃中知府劉子輔易先知州何忠掌交趾布按

二司尚書黃福歲春秋二仲上辛日祭

忠臣祠 在府治東祀鄱陽死節太原侯王勝合肥子王德歲春秋二仲辛日祭

徐公祠 在府治前祀元江死事布政使徐越歲秋仲十七日祭

景賢祠 在啓聖祠後祀翰林學士王奎副都御史韓宜可春秋上丁祭

忠孝祠 在通海縣東北祀元莊愍公董文彥及子茂春

三節祠 在縣治北明初東旭河南光山人任御史謫戍通海挈家來滇道病卒子欽代父戍

從征禾泥死其妻盧氏寡居無子有欲強奪其志者氏不從痛哭自沉於海邑人哀之爲立廟

卷之十八

祀

六

白龍潭龍王廟 在府西北十二里 歲春仲致祭

羣祀

東嶽廟 在府治東

三官廟 在府治西

五顯廟 在府北城外相傳其地多虎立廟鎮之

聖母祠 在府城北

晏公廟 在府城東

蕭公祠 在府曲江驛

土王廟 在府東南

雲南通志

卷之十八

祠祀

七

雷公祠 在阿迷州南五十里

三厲祠 在州東十五里祀東征搆撲陣亡千戶魏朝鳳百戶李邦郁譚大經

二忠祠 在石屏州楊李二都督戍石屏戰歿於陣歷有靈異土人立祠春秋祭之

十公祠 在石屏東城外祀名宦之有功德於屏者知州陳仲晦會所能蕭廷對江墉羅廷光

署州尹東周周之相顧慶恩朱統 鏃鄭相十人今題額賢侯遺愛

吳敬德祠 在石屏州治南

碧玉神祠 五穀神祠 俱在寧州路居村

東玉神祠 在州治東南

龍王廟 一在呂公山一在新平縣南

忠勇祠

在甸苴關祀蠻莫死
事寧州目把者義

大魁閣

在州
治北

秀山神祠

在通海縣
秀山下

白馬廟

在縣
治東

真武廟

在縣
治南

英佑侯祠

在河西
縣治北

龜山神祠

在縣
治東

螺峰山神祠

在縣螺
髻村

白龍祠

在縣
治南

雲南通志

卷之十八

祠祀

八

石母廟

在縣
碑村

香栢土主祠

在嵎峨縣
治西南

桂峰土主祠

在縣治南
桂峯山麓

吳隱程公祠

在新化州西祀程本立明
初謫他郎甸長官司吏目

忠義祠

在新平縣參將鄧子
龍請建祀陣亡將士

澂江府

祀典

社稷壇

在府
城西

風雲雷雨山川壇

在府
城北

郡厲壇 在府城西

城隍廟 在府治東北
州縣皆同

文昌宮 在玉筍書院

武安王廟 在府治東南

龍泉神廟 一在盤龍岡麓為西浦龍泉
一在缺摩山麓為東浦龍泉

武侯祠 在新興州治南

景賢祠 在州文廟後

羣祀

土主廟 在府城西北隅
州縣俱有祀

雲南通志 **卷之十八** 祠祀 九

關索廟 在府西二十里關索嶺上傳記未詳或云
索漢壽亭侯子從武侯征南凡鑿山通道

多賴其力其在尋甸者稱英烈侯在江川者稱
龍驤將軍按黔中安莊衛亦有關索嶺而碑記
有忠順之封考其時係出於嘉靖朝中人之請
三者將以何為是耶蜀志稱關公與子平同被
難于臨沮子興嗣無所謂索也而說者曰索即
興也蓋葬人呼父為索關索者猶關父也或又
曰關索者關鎖也以其音之訛而傳會之
二者皆無所據姑並存之以備參稽云

五靈廟 在府治西北一里
新興江川皆祀

龍驤將軍廟 在江川縣北三十里明成化年有虎
為患太監錢能禱神獲虎因新其廟

東嶽廟 在江川新興俱有

靈官廟 在縣驛前

五顯廟 在縣治北二里

蟠坤神廟 在蟠坤山

鄒公生祠 在路南州治南

武定府

祀典

社稷壇 在府治西一里

風雲雷雨山川壇 在府南一里

郡厲壇 在府治北一里

城隍廟 在府治南門外州縣同

雲南通志

卷之十八

祠祀

十

關聖祠 在府治後

文昌祠 在文廟左元謀亦有

忠烈祠 在府東門外祀死難僉事張澤同知袁俸知州秦健吏目劉瑀照磨張成知事高心

巡檢俞伯官生員楊忠誨春秋二仲祀事詳別傳

呂公祠 在府西祀巡撫呂光洵春秋祭

羣祀

土主廟 俱在元謀縣治內

東嶽廟 在府城東北

廣西府

祀典

社稷壇 在府治西

風雲雷雨山川壇 在府城南一里

郡厲壇 在府治北

城隍廟 在府治西一里各州同

八蜡廟 在府城南

文昌祠 在儒學內

關王廟 在府城東

陳戴宮三公祠 在西關外有築壩修城之功故祀之

雲南通志 **卷之十八** 祠祀 十一

羣祀

土主廟 在府治內

火神廟 在府治西隅

土神廟 在府城內

白羊山神廟 在州城北一里

元江府

祀典

社稷壇 在府治西

風雲雷雨山川壇 在府治東

郡厲壇 在府治北

城隍廟 在府治北

武安王廟 在禮社江上

文昌宮 在府治北

羣祀

土主廟 在府治北

東嶽廟 在府治東

三元廟 在府治

廣南府

雲南通志

祀典

社稷壇 在府治西

風雲雷雨山川壇 在府治南

城隍廟 在府治西

郡厲壇 在府治北

關王廟 在府治東

羣祀

土主廟 在府治

東嶽廟 在府治

白馬廟

在府治南明萬曆初年廣南火惟廟獨存

楊廣廟

在府治西祀宋楊文廣為狄青部將追儂智高至此

開化府

祀典

社稷壇

在府城南

風雲雷雨山川壇

在府城北

郡厲壇

在府城北

城隍廟

在府城東

關帝廟

在府城南

雲南通志

卷之十八

祀典

三

羣祀

土主廟

在府儀門左以上俱知府劉訢建

大理府

祀典

社稷壇

在府城北三里

風雲雷雨山川壇

在府城南四里

郡厲壇

在府城北一里

城隍廟

在府城內西南州縣同

旗纛廟

在府城西演武廳後

八蜡廟 在府城西北崇聖寺塔前歲冬至後祭

風伯祠 在府城西北五里明嘉靖中僉事彭謹因暴風建冬至後戊日祭

蒼山神祠 在府城西三里中峯之麓

河水神祠 在府城東五里河河西岸歲春秋二仲祭

武侯祠 在府城西南

關王廟 在府治西南

文昌祠 在文廟西春秋二丁祭

海口龍王廟 在府南三十里太和縣春祭趙州秋祭

三崇神祠 在雲龍州三崇山麓春秋祭

雲南通志 羣祀 卷之十八 祠祀 十四

雷廟 在府治西南

東嶽廟 在府城西北一里

南嶽廟 在府城南

海神祠 在河河北南詔異牟尋復歸唐時立此示不復叛之意

馬神廟 在府關王廟內

杜公祠 在府城南五里玉局峯麓

救生廟 在府治西南興福寺左

清平廟 在府治北遺教寺內

福邦廟 在府城北塔橋村

福民廟 在府城北三十里相傳昔鄉人有貧不能耕者一青牛代之耕耕已人廟遂不見廟

後但有龍馬蹄跡云

三靈廟 在府城北四十里喜洲村

安龍廟 在府城西南隅初建城時築至此輒圮父老謂有龍在焉因為立廟自是城不復圮

五壇神廟 在府治東北

七壇神廟 在府城南太和村

太歲廟 在府城西南

南天神廟 在府城南外館驛西有禱輒應祀無虛日

雲南通志

卷之十八

祠祀

十五

神寶泉廟 在府城南五里其地有三泉湧水灌漑民自其事于官新之明年泉復出

李將軍廟 在府城南三十里祀唐李宓

伏波廟 在府城南龍尾關相傳武侯駐兵瀛水一軍皆瘡因禱伏波即此廟也

儒風祠 在趙州治北唐鮮于仲通征南詔攜儒生張姓者没于此後人立廟祀之

建峯廟 在趙州東南

林公祠 舊在趙州儒學右後改建于州治前公諱俊字見素閩莆人時為分巡副使

真武廟 在雲南縣城南

土主廟 在鄧川州治後

三正祠

在鄧川州北祀憲副林公俊侍御郭公紳兵憲姜公龍

三堂廟

世傳蜀人三翁兄至此教民耕讀定民田廬鄉人德之立祠以報在鄧川州

貞節祠

在州東六里打油村山坳即賧詔妻慈善之祠事見古蹟

興慈廟

在浪穹縣治南

羅溪廟

在浪穹縣治北

碌礮廟

在賓川州

黑水龍神廟

在雲龍州瀾滄江涯先是渡者多溺立廟遂無患歲以春秋致祭

永昌府

祀典

雲南通志

卷之十八

祠

六

社稷壇

在府城北三里

風雲雷雨山川壇

在府城東十里

郡厲壇

在府城東一里

城隍廟

在府城內郡縣皆同

旗纛廟

在演武場西北隅

文昌祠

在府城西太保山麓

八蜡祠

在永平縣境

武侯祠

在府城西

關王廟

在城隍廟東

忠毅祠 在府城西太保山麓祀明左都督副總兵方政配祀都指揮同知顧勇陳翊侯義都

指揮僉事江洪皆死事者春秋二祭

節孝宋氏祠 宋即郵亭題壁者祠原在府城西今改建於易羅池

何公祠 在縣學南祀明巡撫何孟春

象山祠 在太保山麓

三賢祠 在騰衝衛東祀明知府嚴時泰董蒙正秦禾

忠義祠 在衛城外南街明巡撫陳用賓檄建祀戰亡把總李朝等

鄧將軍祠 在鎮姚所祀參將鄧子龍

羣祀

雲南通志 卷之十八 祠祀

真武廟 在府城昇陽門內永平縣亦有

東嶽廟 在府城諸葛營之南

西嶽廟 在府城仁壽門外一里

天王廟 在仁壽門外五里

三義廟 在窯灣祀漢昭烈關張二侯

龍王廟 在府城龍泉門外

五顯廟 在府城東門外

四神廟 在下叢村

羅岷山神祠 在府城北八十里

白馬廟

在府城南七里

大官廟

在哀牢山下

小官廟

在東林中明太祖賜段氏二子名歸仁歸義土人立廟祀之大官歸仁小官歸義

威靈神廟

在沙木和巡檢司

巖神祠

在永平縣西五里

來鳳山神祠

在騰越州城南三里

南嶽廟

在州城東南

迦羅廟

在州城西一里

天姥祠

在州球玗山俗呼娘娘廟

雲南通志

卷之十八

祠祀

六

華光祠

在州東門後所巷

楚雄府

祀典

社稷壇

在府治西鳳山麓

風雲雷雨山川壇

在府城南

郡厲壇

在府治南

城隍廟

在府治後州縣同

旗纛廟

在府治東

八蜡祠

在南安州

武侯祠 在府治馬塔峯麓

武安王廟 在府南

紫溪龍王廟 在府西二十五里歲季春祭

文昌祠 在府治東

羣祀

東嶽廟 在府城西門外

真武廟 玄壇廟 三官廟 土主廟 俱在府治州縣間有

之

關張廟 在府鳳山崖

雲南通志 卷之十八 祠祀 十九

肇井神堂 在黑井提舉司後

五皇廟 在東嶽廟側

蕭公廟 在城西

楊文烈祠 祀明副使楊畏知

祿摩神祠 在鳳凰山

西嶽廟 在表羅場

三賢祠 在烏龍寺塑州守李翹溫可真殷輅像祀之

三皇廟 在雁山下

姚安府

祀典

社稷壇

在府城西

風雲雷雨山川壇

在府城南一里

郡厲壇

在府城北三里

城隍廟

在府治西州縣同

八蜡祠

在府城東

武侯祠

在府治東十五里

梓潼廟

在府治東南

武安王廟

在府南

雲南通志

卷之十八

祠祀

二十

羣祀

東嶽廟

在府治南大姚縣亦有

龍王廟

有三一在大石湖一在白石的一在大康郎

三官廟

在府城西門外

三皇廟

在府城北八里

玄壇廟

在府城西

晏公廟

在府城西

五顯廟

在府治南大姚縣亦有

聖母廟

在府城內東嶽廟左

土主廟

在府治東大姚縣亦有

白馬廟

在府城東十五里

李公祠

在府城外青蓮寺祀李載贊

聖母廟

即蒙詔時牧羊女在白鹽井提舉司北

鶴慶府

祀典

社稷壇

在府城北二里

風雲雷雨山川壇

在府治南一里

郡厲壇

在府城北二里

雲南通志

卷之十八

祀

主

城隍廟

在府治城西劍川同

武侯祠

在劍川州治北

文昌祠

在府治南

武安王廟

在府城北劍川州亦有

穎川侯廟

在府城南六十里明洪武十六年侯征佛光寨駐兵於此民立廟春秋祀之

水洞祠

在府南象眠山下昔神僧贊陀崛峻有利導之功至今以四月八日祭之

西龍潭祠

在府城西其下又有龍寶黑龍白龍吸鐘諸潭祠以七月九日祭

羣祀

東山廟

在府東十里

西山廟 在府治西十里

東嶽廟 在府南一百二十里五山塲

西嶽廟 在白岩廟北

關索廟 在府西南半里

白馬廟 在府西南二里

馬神廟 在府城東南

晏公廟 在府南一百三十里

城隍古廟 在劍川州南一里元世祖出石門關至劍川屯兵廟左顯有靈異封為城隍之神

雲南通志

卷之十八

祠祀

三

滄浪神廟 在州北二里

靈帝廟 在州南四里金華山唐冢氏建

崔君廟 在劍川州南三里祀唐長子令崔府君字子玉元時顯應於此歲四月八日祭之

白土神廟 在州南十七里

土地祠 在順州小峯山

白龍王廟 在劍川州西一里明正統中建

順寧府

祀典

社稷壇 在府城北一里

風雲雷雨山川壇 在府城南一里

郡厲壇 在府城北雲州同

城隍廟 在府城南五里

八蜡祠 在府城北落仙山尾

文昌祠 在府城東北三里雲州亦有

武安王廟 在舊府治東北雲州亦有

武侯祠 在府城南一里

羣祀

東嶽廟 在府南十里雲州亦有

雲南通志 **卷之十八**

祠祀

三

土主祠 在府城南三里雲州亦有

趙公祠 在城隍廟右

蕭公祠 在府治南雲州亦有

俞李二太守生祠 在府治南祀太守俞懋學李忠臣雲州亦祀之

蔣千戶祠 在右甸觀音庵左

蒙化府

祀典

社稷壇 在府城北

風雲雷雨山川壇 在府城東

郡厲壇 在府城東北

城隍廟 在府城西門內

旗纛廟 在府城外

八蜡祠 在明志書院內

武侯祠 在明志書院內

武安王廟 在府城西

龍王廟 在東山麓錦溪上流

羣祀

真武廟 在府城西

雲南通志

玄壇廟 在府城西南

三官廟 在府城西

東嶽廟 在府城東門外

土主廟 在府城東三里

永寧府 祀典

社稷壇 在府城西

風雲雷雨山川壇 在府東

城隍廟 在府東

卷之十八

祀

孟

郡厲壇 在府治北

羣祀

龍王廟 在府治北

景東府

祀典

社稷壇 在府治西

風雲雷雨山川壇 在府治南

郡厲壇 在府城北

城隍廟 在府城中

雲南通志

卷之十八

祠祀

三

旗纛廟 在景東後衛

關王廟 在府城外

羣祀

東嶽廟 在府城南一里

土主廟 在府南一里

龍王廟 在府北一里

諸葛廟 在衛城山頂

麗江府

祀典

社稷壇 在府治西

風雲雷雨山川壇 在府治南

郡厲壇 在府治北

城隍廟 在府治西

文昌祠 在府治後

羣祀

北嶽廟 在府治北 雪山之麓

吳烈祠 在府治東山下

鎮沅府

雲南通志

卷之十八

祠祀

三

祀典

社稷壇 在府治西

風雲雷雨山川壇 在府治南

城隍廟 在府治北

郡厲壇 在府治北

羣祀

土主廟 在府治

者樂甸長官司

祀典

城隍廟 在司治東

羣祀

土主廟 在司治內

雲南通志

卷之十八

祠祀

二十七